

ნასყიდობის ხელშეკრულება N

წინამდებარე ნასყიდობის ხელშეკრულება (შემდგომში „**ხელშეკრულება**“) დადებულია ქ. თბილისში, 2023 წლის 1 დეკემბერს შემდეგ მხარეებს შორის:

ერთი მხრივ, **შპს** საიდენტიფიკაციო ნომერი ____ (შემდგომში „**გამყიდველი**“), წარმოდგენილი დირექტორის _____ მიერ, და

მეორე მხრივ, **შპს „ჯორჯიან უოთერ ენდ ფაუერი“**, საიდენტიფიკაციო ნომერი 203826002 (შემდგომში „**მყიდველი**“), წარმოდგენილი მისი გენერალური დირექტორის ხოსე მიგელ სანტოზ გონზალესის მიერ

(„გამყიდველი“ და „მყიდველი“ ერთობლივად მოხსენიებული როგორც „**მხარეები**“, ხოლო ცალ-ცალკე - როგორც „**მხარე**“).

მუხლი 1. „ხელშეკრულების“ საგანი

1.1 წინამდებარე „ხელშეკრულებით“ „გამყიდველი“ ყიდის, ხოლო „მყიდველი“ ყიდულობს წინამდებარე „ხელშეკრულებით“ საქონელს დანართების N1 და N2 (შემდგომში „**საქონელი**“) შესაბამისად და თანახმაა, მიღებული „საქონლის“ სანაცვლოდ გადაუხადოს „გამყიდველს“ ანაზღაურება ამავე „ხელშეკრულების“ პირობების შესაბამისად. „ხელშეკრულების“ საფუძველზე შესასყიდი „საქონლის“ საორიენტაციო რაოდენობა მოცემულია დანართში N4.

1.2 დანართი N1, დანართი N2, დანართი N3 და დანართი N4 თან ერთვის წინამდებარე „ხელშეკრულებას“ და წარმოადგენს მის განუყოფელ ნაწილს.

მუხლი 2. „საქონლის“ მიწოდება

2.1 „საქონლის“ შესყიდვის მოთხოვნას „მყიდველი“ „გამყიდველს“ უგზავნის წერილობითი ფორმით, მათ შორის ელექტრონული ფორმით ან ტელეფონის მეშვეობით (შემდგომში „შეკვეთა“). „გამყიდველი“ ვალდებულია „მყიდველის“ მიერ შეკვეთის შეტყობინების მიღებიდან **არაუგვიანეს 12 საათში უზრუნველყოს საქონლის მიწოდება**. „მყიდველის“ მხრიდან „შეკვეთაზე“ პასუხისმგებელია სამშენებლო დეპარტამენტი, ხოლო „გამყიდველის“ მხრიდან დირექტორი ირაკლი თედორაძე. იმ შემთხვევაში, თუ „შეკვეთა“ ხორციელდება ელექტრონული ფოსტის საშუალებით, მაშინ „მყიდველმა“ ასეთი მოთხოვნა უნდა გაუგზავნოს „გამყიდველს“ ელ.ფოსტის შემდეგ მისამართზე: _____, ხოლო სატელეფონო შეტყობინების შემთხვევაში შემდეგ ტელეფონის ნომრებზე: _____.

2.2 „გამყიდველი“ ვალდებულია, რომ „საქონლის“ მიწოდება განახორციელოს „შეკვეთაში“ დაფიქსირებულ ვადაში და ოდენობით, „გამყიდველის“ საწყობში, მისამართზე: თბილისი, თვალჭრელიძის ქ. N6. „შეკვეთის“ მიწოდება შეიძლება განხორციელდეს ერთნაირად ან ეტაპობრივად, როგორც ამას მოითხოვს „მყიდველი“. იმ შემთხვევაში, თუ მისაწოდებელი „შეკვეთის“ ოდენობა არ აღემატება 25 ტონას, „გამყიდველი“ ვალდებულია „მყიდველის“ შესაბამის ავტოსატრანსპორტო საშუალებაზე, „საქონლის“ დატვირთვა უზრუნველყოს ამავე პუნქტში მითითებულ მისამართზე ავტოსატრანსპორტო საშუალების მისვლიდან არაუგვიანეს 1,5 საათში ხოლო იმ შემთხვევაში, თუ „შეკვეთის“ ერთჯერადი ოდენობა აღემატება 25 ტონას, დატვირთვის განხორციელება „გამყიდველის“ მიერ უნდა მოხდეს ავტოსატრანსპორტო საშუალების „გამყიდველის“ საწყობში მისვლიდან არაუგვიანეს 3 საათის ვადაში.

2.3 იმ შემთხვევაში, თუ წინამდებარე „ხელშეკრულების“ ხელმოწერის შემდგომ, „შეკვეთის“ განხორციელების დროს აღმოჩნდება, რომ „გამყიდველს“ არ შეუძლია „საქონლის“ მიწოდება „მყიდველისათვის“ „ხელშეკრულებით“ შეთანხმებულ ვადაში, მაშინ „გამყიდველი“ ვალდებულია, რომ დაუყოვნებლივ აცნობოს „მყიდველს“ აღნიშნულის შესახებ და უზრუნველყოს „მყიდველი“ „საქონლის“ ალტერნატიული მიმწოდებლით, რომელთანაც „გამყიდველი“ თავად აწარმოებს მოლაპარაკებასა და ანგარიშსწორებას. „გამყიდველი“ ასევე სრულად რჩება პასუხისმგებელი ალტერნატიული მიმწოდებლის მიერ მოწოდებული „საქონლის“ ხარისხზე და მიწოდების ვადაზე.

2.4 „საქონელი“ ჩაითვლება მიწოდებულად მხოლოდ მას შემდეგ, რაც ის მიწოდებული იქნება 2.2 პუნქტში მითითებულ მისამართზე ან ნებისმიერ სხვა მისამართზე, რომელსაც „გამყიდველი“ მიაწვდის

„მყიდველს“ 2.3 მუხლის შესაბამისად და „მხარეთა“ შორის გაფორმდება მიღება-ჩაბარების აქტი ან/და დადასტურებული იქნება სასაქონლო ზედნადები. მხოლოდ აღნიშნული გარემოებების დადგომის შემდეგ გადადის „მყიდველზე“ „საქონლის შემთხვევითი დაზიანების ან/და დაღუპვის რისკი.

2.5 „მხარეები“ ვალდებული არიან, რომ მიღება-ჩაბარების აქტი ან/და სასაქონლო ზედნადები გააფორმონ „საქონლის“ თითოეული მიწოდებისათვის.

მუხლი 3. ნასყიდობის ფასი

3.1 მიწოდებული „საქონლის“ 1 (ერთი) ტონის ღირებულება განისაზღვრება დანართი N1-ის შესაბამისად (შემდგომში „ნასყიდობის ფასი“).

3.2 მიწოდებული „საქონლის“ „ნასყიდობის ფასი“ შეიცავს „გამყიდველის“ ყველა ხარჯს და გადასახადს, დღგ-ს და ტრანსპორტირების, ასეთის არსებობის შემთხვევაში, ღირებულებას.

3.3 იმ შემთხვევაში, 5.1.5 მუხლით გათვალისწინებული დოკუმენტის წარმოდგენისას დადასტურდება ბიტუმის ფასის ცვლილება, ზრდა ან შემცირება ასევე საანგარიშო თვის წინა თვის 25 რიცხვში დაფიქსირდება საქართველოს ეროვნული ბანკის მიერ დაფიქსირებული ლარის აშშ დოლართან მიმართებაში გაცვლითი კურსის ცვლილება, 3.1 მუხლით გათვალისწინებული ფასები ექვემდებარება ცვლილებას დანართი N1-ს შესაბამისად, აღნიშნული ფასი უცვლელი იქნება მომდევნო 1 (ერთი) თვის განმავლობაში.

მუხლი 4. ანგარიშსწორება

4.1 მხარეთა შორის ანგარიშსწორება წარმოებს ეროვნულ ვალუტაში, უნაღდო ანგარიშსწორების წესით, საქონლის მიწოდებიდან და სასაქონლო ზედნადების დადასტურებიდან არაუგვიანეს 30 (ოცდაათი) კალენდარული დღისა.

მუხლი 5. მხარეთა უფლება-მოვალეობანი

5.1 „გამყიდველი“ ვალდებულია:

5.1.1 „გამყიდველი“ იღებს ვალდებულებას უზრუნველყოს „მყიდველისათვის“ „საქონლის“ მიწოდება წინამდებარე „ხელშეკრულებით“ დადგენილი წესით.

5.1.2 უზრუნველყოს სასაქონლო ზედნადების გამოწერა „საქონლის“ თითოეული მიწოდებისთვის.

5.1.3 „მყიდველს“ გადასცეს ნივთობრივად და უფლებრივად უნაკლო „საქონელი“ და ამ „საქონელთან“ დაკავშირებული ყველა საბუთი. თუ არ არსებობს „მხარეების“ წინასწარი წერილობითი შეთანხმება „საქონლის“ ხარისხთან დაკავშირებით, „გამყიდველი“ ვალდებულია „მყიდველს“ მიაწოდოს „საქონელი“ შემდეგ მდგომარეობაში: ა) „საქონელი“ უნდა იყოს სამოქალაქო ბრუნვის საგანი და ვარგისი ჩვეულებრივი სარგებლობისთვის და ბ) „საქონელს“ არ უნდა გააჩნდეს რაიმე თვისება, რომლის გამოვლინების შედეგად ადგილი ექნება მის დაზიანებას (გაფუჭებას), განადგურებას, ღირებულების შემცირებას, გაუფასურებას ან გამოუსადეგარს გახდის მას შემდგომი გამოყენებისათვის/სარგებლობისათვის.

5.1.4 იმ შემთხვევაში, თუ „საქონლის“ საგარანტიო ვადის განმავლობაში, ხოლო ასეთი ვადის არ არსებობისას, „მყიდველისათვის“ „საქონლის“ გადაცემიდან გონიერულ ვადაში აღმოაჩნდება ნივთობრივი ნაკლი, „გამყიდველი“ ვალდებულია, „მყიდველისაგან“ წერილობითი ან ზეპირი მოთხოვნის საფუძველზე, „მყიდველის“ მიერ განსაზღვრულ ვადაში საკუთარი ხარჯით უზრუნველყოს: ა) ნივთობრივი ნაკლის გამოსწორება, ხოლო თუ საქმე ეხება გვაროვნულ ნივთს, შეცვალოს ნივთი, ბ) „ნასყიდობის ფასის“ შემცირება იმ ოდენობით, რაც საჭიროა ნაკლის გამოსასწორებლად (ნაკლის გამოსასწორებლად საჭირო თანხის ოდენობა განისაზღვრება „მყიდველის“ მიერ ან/და გ) აუნაზღაუროს „მყიდველს“ გაწეული დანახარჯები და მიყენებული ზიანი (ზარალი).

5.1.5 ყოველი თვის 25 რიცხვამდე „მყიდველს“ გადასცეს, წერილი, რომელსაც უნდა ერთვოდეს ბიტუმის სამი 3 (სამი) შესყიდვის დამადასტურებელი დოკუმენტი ან სასაქონლო ზედნადები, სადაც აღნიშნული უნდა იყოს გამყიდველის მიერ შეძენილი ბიტუმის ღირებულება. თუ ბიტუმის ღირებულება იქნება დაფიქსირებული ლარში მყიდველი უფლებამოსილია მისი დოლარში გადაყვანა განახორციელოს შესყიდვის დღეს არსებული ეროვნული ბანკის მიერ დაფიქსირებული ლარი/აშშ დოლართან გაცვლითი კურსის შესაბამისად. საქონლის ღირებულების დადგენისათვის გამოყენებული იქნება აღნიშნული სამი შესყიდვის საშუალო შეწონილი ღირებულება. „მყიდველს“ აქვს უფლება გათვალისწინებული დოკუმენტი

გადასცეს ან გააცნოს მესამე პირ(ებ)ს, გარდა „მყიდველის“ თანამშრომლისა და შესაბამისად ექსპერტებისა/საექსპორტო ორგანიზაციებისა, „გამყიდველის“ წინასწარი წერილობითი თანხმობის გარეშე.

5.1.6 „მყიდველისგან“ შესაბამისი მოთხოვნის მიღების შემთხვევაში ნებისმიერ დროს, მაგრამ არაუმეტეს 2 (ორი) შემოწმებისა ერთი კალენდარული თვის განმავლობაში, განახორციელოს „საქონლის“ ლაბორატორიული შემოწმება, „მყიდველის“ მიერ განსაზღვრული ლაბორატორიის მიერ, „საქონლის“ დანართით N2-ით გათვალისწინებულ მოთხოვნებთან შესაბამისობის დადგენის მიზნით საკუთარი ხარჯით და შესაბამისი დასკვნა გადასცეს „მყიდველს“. შემოწმებისთვის საჭირო ნიმუშის აღებას აუცილებლად უნდა ესწრებოდეს „მყიდველის“ წარმომადგენელი.

5.1.7 წინამდებარე „ხელშეკრულების“ მოქმედების განმავლობაში და მისი შეწყვეტიდან ან მოქმედების ვადის ამოწურვიდან მომდევნო 3 (სამი) წლის განმავლობაში, პირდაპირ ან არაპირდაპირ, როგორც უშუალოდ თვითონ, ისევე სხვა პირის მეშვეობით ან მათი სახელით: (i) არ ჩაერიოს ან არ სცადოს „მყიდველს“ ან/და შპს „რუსთავის წყალსა“, ს/ნ 216323351 (შემდგომში „RWC“) და მის „თანამშრომელს“ შორის ურთიერთობაში ჩარევა, არ იშუამდგომლოს, ხელი შეუწყოს, შეეცადოს, რომ რომელიმე „თანამშრომელმა“ შეწყვიტოს ან/და არ გააგრძელოს (ვადის ამოწურვის შემდეგ) „მყიდველთან“ „RWC“-თან არსებული შრომითი/სამეწარმეო ურთიერთობა; (ii) არ დაიქირავოს, არ შესთავაზოს სამსახური ან სხვაგვარად დააინტერესოს „თანამშრომელი“, ან შეპირდეს დასაქმებას ან სხვაგვარ ინტერესს; ან/და (iii) არ გადაუხადოს „თანამშრომელს“ ხელფასი, ან არ დაპირდეს ან მისცეს მას რაიმე ჯილდო, პრემია, საჩუქარი, ანაზღაურება ან სხვა სარგებელი.

ამ მუხლის მიზნებისათვის ტერმინი „თანამშრომელი“ ნიშნავს „მყიდველთან“ ან/და „RWC“-თან შრომით ურთიერთობაში მყოფ ნებისმიერ პირს ან პირს რომელიც იყო „მყიდველთან“ ან/და „RWC“-თან შრომით ურთიერთობაში და რომელთან შრომითი ხელშეკრულების შეწყვეტიდან ან მოქმედების ვადის ამოწურვიდან არ გასულა 6 (ექვსი) თვე.

5.1.8 წინამდებარე 5.1.7 პუნქტით გათვალისწინებული ვალდებულების დარღვევის გამო „მყიდველს“ უფლება აქვს მოსთხოვოს „გამყიდველს“ და „გამყიდველი“ ვალდებულია ამგვარი მოთხოვნის მიღებიდან 5 (ხუთი) სამუშაო დღის ვადაში გადაუხადოს „მყიდველს“ პირგასამტეხლო 100,000 (ასი ათასი) ლარის ოდენობით, დარღვევის თითოეული შემთხვევისათვის.

5.2 „მყიდველი“ უფლებამოსილია:

5.2.1 უარი განაცხადოს „საქონლის“ მიღებაზე, თუ „გამყიდველმა“ მას მიაწოდა იმაზე ნაკლები რაოდენობის „საქონელი“, ვიდრე ეს გათვალისწინებული იყო წინამდებარე „ხელშეკრულებით“ და ცალმხრივად შეწყვიტოს წინამდებარე „ხელშეკრულება“ ან მიიღოს ასეთი „საქონელი“ და პროპორციულად შეამციროს გადასახდელი „ნასყიდობის ფასი“. გადასახდელი „ნასყიდობის ფასი“ შესამცირებელ ოდენობას განსაზღვრავს „მყიდველი“, რომლის მიერ წარმოდგენილი მონაცემები, ჩაითვლება კვალიფიციურ ინფორმაციად ან/და დოკუმენტაციად და არ გახდება სადავო „გამყიდველის“ მიერ;

5.2.2 თუ „საქონლის“ რაოდენობა აღემატება წინამდებარე „ხელშეკრულებით“ გათვალისწინებულ ოდენობას - მიიღოს ეს რაოდენობა და პროპორციულად გაზარდოს გადასახდელი „ნასყიდობის ფასი“ ან მიიღოს მხოლოდ ის რაოდენობა, რაც გათვალისწინებული იყო წინამდებარე „ხელშეკრულებით“, ხოლო ზედმეტი დააბრუნოს უკან „გამყიდველის“ ხარჯზე. გადასახდელი „ნასყიდობის ფასის“ გასაზრდელ ოდენობას განსაზღვრავს „მყიდველი“, რომლის მიერ წარმოდგენილი მონაცემები, ჩაითვლება კვალიფიციურ ინფორმაციად ან/და დოკუმენტაციად და არ გახდება სადავო „გამყიდველის“ მიერ;

5.2.3 იმ შემთხვევაში, თუ „საქონლის“ საგარანტიო ვადის განმავლობაში, ხოლო ასეთი ვადის არ არსებობისას, „მყიდველისათვის“ „საქონლის“ გადაცემიდან გონივრულ ვადაში აღმოაჩნდება ნივთობრივი ნაკლი, „მყიდველი“ უფლებამოსილია „გამყიდველს“ ზეპირად ან წერილობით მოსთხოვოს, ხოლო „გამყიდველი“ ვალდებულია, „მყიდველის“ მიერ განსაზღვრულ ვადაში საკუთარი ხარჯით უზრუნველყოს: ა) ნივთობრივი ნაკლის გამოსწორება, ხოლო თუ საქმე ეხება გვაროვნულ ნივთს, შეცვალოს ნივთი, ბ) „ნასყიდობის ფასის“ შემცირება იმ ოდენობით, რაც საჭიროა ნაკლის გამოსასწორებლად (ნაკლის გამოსასწორებლად საჭირო თანხის ოდენობა განისაზღვრება „მყიდველის“ მიერ ან/და გ) აუნაზღაუროს „მყიდველს“ გაწეული დანახარჯები და მიყენებული ზიანი (ზარალი).

5.2.4 წინამდებარე „ხელშეკრულების“ მოქმედების განმავლობაში, ნებისმიერ დროს, მაგრამ არაუმეტეს 2 (ორი) შემოწმებისა ერთი კალენდარული თვის განმავლობაში, მოსთხოვოს „გამყიდველს“ „საქონლის“ ლაბორატორიული შემოწმება, მის მიერ განსაზღვრული ლაბორატორიის მიერ, „საქონლის“ დანართით N2

გათვალისწინებულ მოთხოვნებთან შესაბამისობის დადგენის მიზნით, ხოლო „გამყიდველი“ ვალდებულია განახორციელოს ასეთი შემოწმება საკუთარი ხარჯით და შესაბამისი დასკვნა გადასცეს „მყიდველის“. შემოწმებისთვის საჭირო ნიმუშის აღებას აუცილებლად უნდა ესწრებოდეს „მყიდველის“ წარმომადგენელი. იმ შემთხვევაში, თუ აღმოჩნდება, რომ „საქონელი“ არ შეესაბამება „ხელშეკრულებით“ შეთანხმებულ ხარისხს/მახასიათებლებს, „გამყიდველი“ უფლებამოსილია ისარგებლოს მისთვის „ხელშეკრულების“ 5.2.3 მუხლით მინიჭებულ უფლებამოსილებებთან ერთად ისარგებლოს 7.2 მუხლით მინიჭებული უფლებამოსილებით.

5.2.5 ნებისმიერ დროს განახორციელოს „გამყიდველის“ მიერ მიწოდებული „საქონლის“ შემოწმება მისი დანართი N2-ით განსაზღვრულ მახასიათებლებთან შესაბამისობის დადგენის მიზნით. იმ შემთხვევაში, თუ აღმოჩნდება, რომ „საქონელი“ არ შეესაბამება „ხელშეკრულებით“ შეთანხმებულ ხარისხს/მახასიათებლებს, „გამყიდველი“ უფლებამოსილია ისარგებლოს მისთვის „ხელშეკრულების“ 5.2.3 მუხლით მინიჭებულ უფლებამოსილებებთან ერთად ისარგებლოს 7.2 მუხლით მინიჭებული უფლებამოსილებით.

5.3 „მყიდველი“ ვალდებულია:

5.3.1 გადაუხადოს „გამყიდველს“ მიწოდებული „საქონლის“ „ნასყიდობის ფასი“, წინამდებარე ხელშეკრულების მე-3 და მე-4 მუხლებით დადგენილი პირობების შესაბამისად.

მუხლი 6. ხარისხი და საგარანტიო ვადა

6.1 მიწოდებული „საქონლის“ ხარისხი უნდა შეესაბამებოდეს კონკრეტული „საქონლისათვის“ დადგენილ მოთხოვნებსა და სტანდარტებს და შესაძლებელი უნდა იყოს მისი გამოყენება იმ მიზნისთვის, რისთვისაც განხორციელდა მისი შესყიდვა. ამასთან მისი მახასიათებლები შესაბამისობაში უნდა იყოს დანართი N2-ში მოცემულ მახასიათებლებთან.

6.2 წინამდებარე „ხელშეკრულებით“ შეთანხმებული ნაკისრი ვალდებულებების უზრუნველსაყოფად „გამყიდველი“ ვალდებულია, რომ „მყიდველს“ წარუდგინოს ხელშეკრულების შესრულების უზრუნველყოფის გარანტია 50,000 (ორმოცდაათი ათასი) ლარის ოდენობით (შემდგომში „**ხელშეკრულების შესრულების უზრუნველყოფის საბანკო გარანტია**“) დანართი N3-ში განსაზღვრული ფორმით. „ხელშეკრულების შესრულების უზრუნველყოფის საბანკო გარანტია“ „გამყიდველმა“ უნდა წარმოადგინოს წინამდებარე „ხელშეკრულების“ ხელმოწერიდან 7 (შვიდი) კალენდარული დღის ვადაში და მისი მოქმედების ვადა 30 კალენდარული დღით უნდა აღემატებოდეს „ხელშეკრულების“ მოქმედების ვადას. „დამკვეთი“ უფლებამოსილია აღნიშნული „ხელშეკრულების შესრულების უზრუნველყოფის საბანკო გარანტიიდან“ დაქვითოს ნებისმიერი ხარჯი, ღირებულება, ჯარიმა, პირგასამტეხლო და ა.შ., რომელიც გათვალისწინებულია წინამდებარე „ხელშეკრულებით“ ან/და ნებისმიერი ის თანხა, რომელიც საჭიროა იმ ზიანის საკომპენსაციოდ, რომელიც მიადგება „მყიდველს“ „გამყიდველის“ მიერ ისეთი „საქონლის“ მიწოდების შემთხვევაში/შედეგად, რომელიც არ შეესაბამება წინამდებარე „ხელშეკრულებით“ შეთანხმებულ ხარისხს ან/და „საქონლის“ შეთანხმებულ ვადაში მიწოდებას.

6.3 იმ შემთხვევაში, თუ „საქონელს“ აღმოაჩნდება რაიმე ხარვეზი, „გამყიდველი“ ვალდებულია „მყიდველისგან“ შესაბამისი შეტყობინების მიღებიდან გონივრულ ვადაში გამოასწოროს ყველა ასეთი ხარვეზი, ხოლო თუ ასეთი ხარვეზის გამოსწორება შეუძლებელია ან საჭიროებს არაგონივრულად დიდ დროს, მაშინ შეცვალოს „საქონელი“ ახალი, უხარვეზო „საქონელით“. „გამყიდველი“ ვალდებულია გაიღოს ასეთ შეკეთებასთან ან/და შეცვლასთან დაკავშირებული ყველა თანმდევი ხარჯი.

6.4 იმ შემთხვევაში, თუ „გამყიდველი“ დააყოვნებს „საქონლის“ შეკეთებას ან/და შეცვლას, „მყიდველი“ უფლებამოსილია თვითონ უზრუნველყოს ხარვეზის გამოსწორება, ხოლო აღნიშნულთან დაკავშირებული ხარჯების გადახდა, ასევე შეკეთების დაყოვნებით მიყენებული ზიანი (ზარალი), ასეთის არსებობის შემთხვევაში, მოსთხოვოს „გამყიდველს“ ან/და დაქვითოს მისთვის გადასახდელი ნებისმიერი სხვა მიმდინარე თუ მომავალში წარმოშობილი გადასახდელებიდან, მათ შორის „ხელშეკრულების შესრულების უზრუნველყოფის საბანკო გარანტიიდან“.

მუხლი 7. მხარეთა პასუხისმგებლობა

7.1 წინამდებარე „ხელშეკრულებით“ გათვალისწინებული ვალდებულებების შეუსრულებლობის ან არასათანადო შესრულების შემთხვევაში, „მხარეები“ პასუხს აგებენ წინამდებარე „ხელშეკრულებით“ და საქართველოს კანონმდებლობით დადგენილი წესით.

7.2 წინამდებარე „ხელშეკრულებით“ ნაკისრი ვალდებულებების შესრულების ვადის გადაცილებისათვის ან/და იმ შემთხვევაში, თუ „გამყიდველი“ ვერ უზრუნველყოფს „ხელშეკრულებით“ შეთანხმებული ხარისხის „საქონლის“ მიწოდებას „მყიდველი“ უფლებამოსილია დააკისროს „გამყიდველს“ პირგასამტეხლო 1,000 (ერთი ათასი) ლარი ვალდებულების თითოეული დარღვევისათვის ხოლო „ხელშეკრულების“ 2.2 მუხლში მოცემული ვალდებულებების „გამყიდველის“ მხრიდან დარღვევის შემთხვევაში, „მყიდველი“ უფლებამოსილია დააკისროს „გამყიდველს“ პირგასამტეხლო პირველი დარღვევისათვის 500 (ხუთასი) ლარის ოდენობით, ხოლო ყოველი მომდევნო დარღვევის შემთხვევაში 1000 (ათასი) ლარის ოდენობით

7.3 წინამდებარე „ხელშეკრულებით“ განსაზღვრული „ნასყიდობის ფასის“ გადახდის ვადის გადაცილების შემთხვევაში „გამყიდველი“ უფლებამოსილია დააკისროს „მყიდველს“ პირგასამტეხლოს გადახდა ყოველ ვადაგადაცილებულ დღეზე გადასახდელი „ნასყიდობის ფასის“ 0.1%-ის ოდენობით.

7.4 „მხარეთა“ მიერ „ხელშეკრულების“ პირობების დარღვევის შემთხვევაში, პირგასამტეხლოს გადახდა არ ათავისუფლებს „მხარეებს“ „ხელშეკრულებით“ გათვალისწინებული ვალდებულებების შესრულებისაგან.

7.5 წინამდებარე „ხელშეკრულებაზე“ ხელმოწერით „გამყიდველი“ აღიარებს და ეთანხმება, რომ იმ შემთხვევაში, თუ ამ „ხელშეკრულების“ მოქმედების ვადის განმავლობაში „გამყიდველს“ „მყიდველის“ მიმართ გადასახდელი ექნება რაიმე სახის პირგასამტეხლო ან/და ჯარიმა, „მყიდველი“ უფლებამოსილია ასეთი პირგასამტეხლოს ან/და ჯარიმა თანხა დაქვითოს ნებისმიერი მიმდინარე გადასახდელი ნასყიდობის ფასიდან, მიუხედავად იმისა, აღნიშნული გადასახდელი იქნება ამ ან ნებისმიერი სხვა ხელშეკრულების საფუძველზე, ან/და „ხელშეკრულების“ შესრულების უზრუნველყოფის საბანკო გარანტიიდან“.

მუხლი 8. „ხელშეკრულების“ მოქმედების ვადა და შეწყვეტა

8.1 წინამდებარე „ხელშეკრულება“ ძალაში შედის „მხარეთა“ მიერ მისი ხელმოწერის თარიღიდან და მოქმედებს 2024 წლის 1 დეკემბრის ჩათვლით.

8.2 „ხელშეკრულებაში“ დამატებების და/ან ცვლილებების შეტანა შესაძლებელია მხოლოდ წერილობითი ფორმით „მხარეთა“ უფლებამოსილი წარმომადგენლების ხელმოწერით.

8.3 წინამდებარე „ხელშეკრულების“ შეწყვეტა მისი მოქმედების ვადის ამოწურვამდე შესაძლებელია:

- (ა) დაუყოვნებლივ, „გამყიდველის“ მიერ, თუ „მყიდველი“ არსებითად დაარღვევს წინამდებარე „ხელშეკრულებით“ გათვალისწინებულ ვალდებულებას და მიუხედავად დარღვევის გამოსწორების თაობაზე წერილობითი მოთხოვნის (შეტყობინების) მიღებისა, ამავე მოთხოვნაში (შეტყობინებაში) მითითებულ ვადაში, არ გამოასწორებს ამგვარ დარღვევას;
- (ბ) დაუყოვნებლივ, „მყიდველის“ მიერ, თუ „გამყიდველი“ დაარღვევს წინამდებარე „ხელშეკრულებით“ გათვალისწინებულ მის რომელიმე ვალდებულებას ან პირობას და მიუხედავად დარღვევის გამოსწორების თაობაზე წერილობითი მოთხოვნის (შეტყობინების) მიღებისა, ამავე მოთხოვნაში (შეტყობინებაში) მითითებულ ვადაში, არ გამოასწორებს ამგვარ დარღვევას;
- (გ) ნებისმიერ დროს, ყოველგვარი დასაბუთების გარეშე „მყიდველის“ მიერ „გამყიდველისთვის“ სულ მცირე 7 (შვიდი) კალენდარული დღით ადრე გაგზავნილი წერილობითი შეტყობინებით; ან
- (დ) „მხარეთა“ ორმხრივი წერილობითი შეთანხმებით.

8.4 თუ „ხელშეკრულება“ „გამყიდველმა“ მაშინ შეწყვიტა, როდესაც „მყიდველი“ მოკლებული იყო შესაძლებლობას, სხვაგვარად უზრუნველყო თავისი ინტერესები, „გამყიდველმა“ უნდა აუნაზღაუროს „მყიდველს“ „ხელშეკრულების“ შეწყვეტით მიყენებული ზიანი, გარდა იმ შემთხვევებისა, როცა „გამყიდველს“ ამისთვის მნიშვნელოვანი საფუძველი ჰქონდა.

8.5 „მხარეები“ თანხმდებიან, რომ „ხელშეკრულების“ შეწყვეტის (მოშლის) შემთხვევაში, „გამყიდველს“ აუნაზღაურდება მხოლოდ შეწყვეტის თარიღამდე ფაქტობრივად მიწოდებული „საქონლის“ ნასყიდობის ფასი, რაც დადასტურებული უნდა იყოს მხარეთა მიერ ხელმოწერილი მიღება-ჩაბარების აქტით ან/და დადასტურებული სასაქონლო ზედნადებით. ამასთან „მყიდველის“ მიერ „ხელშეკრულების“ მოშლის შედეგად მიყენებული ზიანი/ზარალი (იქნება ეს პირდაპირი თუ ირიბი, მატერიალური თუ არამატერიალური, ფაქტობრივი თუ მიუღებელი შემოსავალი და/ან სხვა) არ ანაზღაურდება და „გამყიდველი“ წინასწარ, გამოუთხოვადად და უპირობოდ უარს აცხადებს „ხელშეკრულების“ მოშლის შედეგად მიყენებული ზიანის/ზარალის (იქნება ეს პირდაპირი თუ ირიბი, მატერიალური თუ არამატერიალური, ფაქტობრივი თუ მიუღებელი შემოსავალი და/ან სხვა) , ამგვარის არსებობის შემთხვევაში, ანაზღაურების მოთხოვნაზე.

მუხლი 9. ფორს-მაჟორი

9.1 „მხარეები“ თავისუფლდებიან პასუხისმგებლობისაგან „ხელშეკრულებით“ ნაკისრი ვალდებულებების შეუსრულებლობისათვის ან არადროული შესრულებისათვის, თუ აღნიშნული გამოწვეული იქნება ფორსმაჟორული ვითარებით (შემდგომში „ფორსმაჟორული ვითარება“).

9.2 წინამდებარე „ხელშეკრულების“ მიზნებისათვის „ფორსმაჟორული ვითარება“, შეზღუდვის გარეშე, მოიცავს: ომს, ამბოხებას, სამოქალაქო არეულობას, მიწისძვრას, ხანძარს, აფეთქებას, ქარიშხალს, წყალდიდობას ან სხვა სტიქიურ უბედურებებს, ასევე სახელმწიფო დაწესებულებების სხვა ქმედებასა და უმოქმედობას, რომელიც „მხარეთა“ გონივრული კონტროლის ფარგლებს სცილდება და რომლის დადგომაც წინამდებარე „ხელშეკრულებით“ გათვალისწინებული ვალდებულებების შესრულებას შეუძლებელს ხდის.

9.3 „მხარე“, რომელსაც „ფორსმაჟორული ვითარება“ შეეხო, უმოკლეს ვადაში, მაგრამ ამგვარი გარემოების დადგომიდან არაუგვიანეს 5 (ხუთი) კალენდარული დღისა, ვალდებულია, შეატყობინოს მეორე „მხარეს“ ამგვარი „ფორსმაჟორული ვითარების“ თაობაზე, „ფორსმაჟორული ვითარების“ ხასიათის და მისი შედეგების სათანადო აღწერით.

9.4 „ფორსმაჟორული ვითარების“ დადგომის შემთხვევაში, „მხარეთა“ მიერ „ხელშეკრულებით“ ნაკისრი ვალდებულებების შესრულება გადაიწევს ამგვარი „ფორსმაჟორული ვითარების“ დამთავრებამდე/აღმოფხვრამდე.

9.5 იმ შემთხვევაში, თუ „ფორსმაჟორული ვითარება“ გასტანს ზედიზედ 45 (ორმოცდახუთი) კალენდარულ დღეზე მეტ ხანს, თითოეულ „მხარეს“ უფლება აქვს მეორე „მხარისათვის“ გაგზავნილი წერილობითი შეტყობინების საფუძველზე, შეწყვიტოს წინამდებარე „ხელშეკრულება“ ამგვარი შეწყვეტის შედეგად პასუხისმგებლობის დაკისრების გარეშე.

მუხლი 10. მარეგულირებელი კანონმდებლობა და დავების გადაჭრა

10.1 წინამდებარე „ხელშეკრულება“ რეგულირდება საქართველოს კანონმდებლობით და განიმარტება მის შესაბამისად.

10.2 „მხარეთა“ შორის წინამდებარე „ხელშეკრულების“ ირგვლივ წამოჭრილი ნებისმიერი დავა უნდა გადაწყდეს მოლაპარაკების გზით. იმ შემთხვევაში, თუ „მხარეები“ ვერ შეძლებენ შეთანხმების მიღწევას, დავა განსახილველად გადაეცემა საქართველოს შესაბამისი განსჯადობის სასამართლოს.

მუხლი 11. დასკვნითი დებულებები

11.1 წინამდებარე „ხელშეკრულების“ ნებისმიერი ცვლილება/დამატება ძალაშია მხოლოდ „მხარეთა“ მიერ შესაბამისი წერილობითი შეთანხმებით გაფორმების შემდეგ.

11.2 წინამდებარე „ხელშეკრულებაზე“ ხელმოწერით, „გამყიდველი“ აცხადებს და გარანტიას იძლევა რომ იგი ეთანხმება წინამდებარე ხელშეკრულების დანართი N5-ით გათვალისწინებულ პირობებს, განცხადებებს და გარანტიებს, აღნიშნული დანართი N5 მისაღებია მისთვის და კისრულობს მათი შესრულების ვალდებულებას. „მყიდველი“ უფლებამოსილია ისარგებლოს წინამდებარე ხელშეკრულების დანართი N5-ით გათვალისწინებულ ნებისმიერი უფლებით.

11.3 წინამდებარე „ხელშეკრულების“ რომელიმე დებულების ბათილობა არ იწვევს მისი სხვა დებულებ(ებ)ის ან/და მთლიანად „ხელშეკრულების“ ბათილობას. ბათილი დებულების ნაცვლად,

გამოიყენება ისეთი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.

11.4 „მხარეები“ ადასტურებენ, რომ მათ გაცნობიერებული აქვთ წინამდებარე „ხელშეკრულების“ შინაარსი, იგი ზუსტად გამოხატავს „მხარეთა“ თავისუფალ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად.

11.5 წინამდებარე „ხელშეკრულება“ გაფორმებულია თანაბარი იურიდიული ძალის მქონე ორ ეგზემპლარად, რომელთაგან ერთი ინახება „მყიდველთან“, ხოლო მეორე - „გამყიდველთან“.

12. მხარეთა ხელმოწერები:

„გამყიდველი“

შპს

ს/კ

სს

ბანკის კოდი:

ა/ა

„მყიდველი“

შპს „ჯორჯიან უოთერ ენდ ფაუერი“

საიდენტიფიკაციო ნომერი 203826002

ქ. თბილისი, მედეა (მზია) ჯუღელის ქ. N10

სს „თიბისი ბანკი“

ბანკის კოდი: TBCBGE22

ა/ა GE85TB1100000000467467

დირექტორი

ხოსე მიგელ სანტოზ გონზალეზი
გენერალური დირექტორი

ნასყიდობის ხელშეკრულება N 23-979

დანართი N1

ასფალტო-ბეტონი მსხვილმარცვლოვანი		ბიტუმის ფასი ტონა (USD)/ The price of bitumen							
		320-360	360-400	400-440	440-480	480-520	520-560	560-600	600-640
დოლარის კურსი	2.4-2.7								
	2.7-3.0								
	3.0-3.3								
	3.3-3.6								
	3.6-3.9								
ასფალტო-ბეტონი წვრილმარცვლოვანი		ბიტუმის ფასი ტონა (USD)/ The price of bitumen							
		320-360	360-400	400-440	440-480	480-520	520-560	560-600	600-640
დოლარის კურსი	2.4-2.7								
	2.7-3.0								
	3.0-3.3								
	3.3-3.6								
	3.6-3.9								
ასფალტო-ბეტონი ტროტუარის ქვიშოვანი		ბიტუმის ფასი ტონა (USD)/ The price of bitumen							
		320-360	360-400	400-440	440-480	480-520	520-560	560-600	600-640
დოლარის კურსი	2.4-2.7								
	2.7-3.0								
	3.0-3.3								
	3.3-3.6								
	3.6-3.9								
ასფალტო-ბეტონი შემასწორებელი კენჭგამოცლი (ზედა ფენა)		ბიტუმის ფასი ტონა (USD)/ The price of bitumen							
		320-360	360-400	400-440	440-480	480-520	520-560	560-600	600-640
დოლარის კურსი	2.4-2.7								
	2.7-3.0								
	3.0-3.3								
	3.3-3.6								
	3.6-3.9								

დანართი N1-ით განსაზღვრული ფასები დოლარის კურსისა და ბიტუმის ფასის პარამეტრის გათვალისწინებით მოცემულია ეროვნულ ვალუტაში დღგ-ის ჩათვლით 1 ტონისთვის.

"გამყიდველი"

"მყიდველი"

დირექტორი

ხოსე მიგელ სანტოზ გონზალესი
გენერალური დირექტორი

ნასყიდობის ხელშეკრულება N
დანართი N2

წინამდებარე დანართზე ხელმოწერით „გამყიდველი“ ეთანხმება, რომ მის მიერ გამოყენებული ასფალტო-ბეტონის საფარი აკმაყოფილებს და წინამდებარე „ხელშეკრულების“ მთელი ვადის განმავლობაში დააკმაყოფილებს შემდეგ პარამეტრებს:

ГОСТ 9128-84 - ტექნიკური მოთხოვნები

წვრილმარცვლოვანი ა/ბეტონი

1) მინერალური მასალის გრანულომეტრია

საცრის ზომები, მმ	დასაშვები ზღვარი	
	Min. %	Max. %
40	100.0	100.0
20	95.0	100.0
15	85.0	100.0
10	70.0	100.0
5	50.0	65.0
2.5	38.0	52.0
1.25	28.0	39.0
0.63	20.0	29.0
0.315	14.0	22.0
0.14	9.0	16.0
0.071	6.0	12.0
<0.071		

2) ბიტუმის რაოდენობა მინ. ნარევიდან - ნორმა 5.5-6.5 %

3) ფორიანობა - დასაშვები ზღვარი 2-7 %

მსხვილმარცვლოვანი ა/ბეტონი

1) მინერალური მასალის გრანულომეტრია

საცრის ზომები, მმ	დასაშვები ზღვარი	
	Min. %	Max. %
40	95.0	100.0
20	70.0	100.0
15	57.0	100.0
10	45.0	76.0
5	27.0	65.0

2.5	18.0	50.0
1.25	10.0	38.0
0.63	7.0	28.0
0.315	4.0	22.0
0.14	3.0	15.0
0.071	2.0	8.0
<0.071		

2) ბიტუმის რაოდენობა მინ. ნარევიდან - ნორმა 4.0-6.0 %

3) ფორიანობა - დასაშვები ზღვარი 7-12 %

ქვიშოვანი მკვრივი ა/ბეტონი

საცრის ზომები, მმ	დასაშვები ზღვარი	
	Min. %	Max. %
20	-	-
15	-	-
10	-	-
5	95.0	100.0
2.5	68.0	83.0
1.25	45.0	67.0
0.63	28.0	50.0
0.315	18.0	35.0
0.14	11.0	24.0
0.071	8.0	16.0
<0.071		

2) ბიტუმის რაოდენობა მინ. ნარევიდან - ნორმა 7.0-9.0 %

"გამყიდველი"

დირექტორი

"მყიდველი"

ხოსე მიგელ სანტოს გონზალესი
გენერალური დირექტორი

ნასყიდობის ხელშეკრულება N
დანართი N3

(ხელშეკრულების შესრულების საბანკო გარანტიის უზრუნველყოფის ფორმა)

ვის: _____ („მყიდველის“

დასახელება)

მხედველობაში ვიღებთ რა, რომ _____ (გამყიდველის

დასახელება) (შემდგომში “გამყიდველი”)(

შესაბამისად იკისრა ვალდებულება წარმოადგინოს ხელშეკრულების შესრულების გარანტია მას მიერ ხელშეკრულებით ნაკისრი ნებისმიერი და ყველა ვალდებულებების შესრულების უზრუნველყოფის მიზნით ხელშეკრულებაში მითითებულ თანხაზე, ხოლო ჩვენ, გარანტი, თანახმა ვართ გავცეთ პრინციპალის (გამყიდველი) სახელზე ზემოთ აღნიშნული საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის (გამყიდველის) სახელით საერთო თანხაზე

_____ ლარი და ვკისრულობთ უპირობო და გამოუთხოვად ვალდებულებას აგინაზღაუროთ ნებისმიერი თანხა ან თანხები, მაგრამ არაუმეტეს ზემოაღნიშნული თანხისა პრინციპალის (გამყიდველის) მიერ ხელშეკრულების პირობების დარღვევის საფუძველით თქვენი პირველივე წერილობითი მოთხოვნისთანავე, მაგრამ არაუგვიანეს ასეთი მოთხოვნის მიღებიდან 3 (სამი) სამუშაო დღისა.

მოთხოვნა საგარანტიო თანხის ანაზღაურებაზე ბენეფიციარის მიერ წარმოდგენილ უნდა იქნეს ხელმოწერილი წერილის ფორმით, სადაც მითითებული იქნება მოთხოვნილი თანხა და მითითებული უნდა იყოს პრინციპალსა და ბენეფიციარს შორის გაფორმებული ხელშეკრულების კონკრეტულად რა პირობა(ები) იქნა დარღვეული პრინციპალის მხრიდან.

აღნიშნულიდან გამომდინარე ნებისმიერი თხოვნა ან პრეტენზია, წარმოდგენილ უნდა იქნეს გარანტიის ვადის გასვლამდე (ბანკის დასახელება/ფილიალი, მისამართი) .

გარანტია ავტომატურად უქმდება

- გარანტიის ვადის გასვლით
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

***წინამდებარე გარანტიის მოქმედების ვადა 30 დღით უნდა აღემატებოდეს ხელშეკრულებით გათვალისწინებული ვალდებულებების საბოლოო შესრულების ვადას.**

“გამყიდველი”

“მყიდველი”

დირექტორი

ხოსე მიგელ სანტოზ გონზალესი
გენერალური დირექტორი

ნასყიდობის ხელშეკრულება N 23-979
დანართი N4

დასახელება	წლიური სავარაუდო რაოდენობა	განზომილება
ასფალტო-ბეტონი მსხვილმარცვლოვანი		
ასფალტო-ბეტონი წვრილმარცვლოვანი		
ასფალტო-ბეტონი ტროტუარის ქვიშოვანი		
ასფალტო-ბეტონი შემასწორებელი კენჭგამოცლი (ზედა ფენა)		

"გამყიდველი"

"მყიდველი"

დირექტორი

ხოსე მიგელ სანტოზ გონზალესი
გენერალური დირექტორი

დანართი N5

ეთიკის და ქცევის კოდექსი. ანტიკორუფციული პოლიტიკა. გაეროს გლობალური შეთანხმება.

წინამდებარე დანართი წარმოადგენს 202 წლის ხელშეკრულება N 23- (შემდგომში „ხელშეკრულება“) განუყოფელ ნაწილს.

„მყიდველს“ დამტკიცებული აქვს ეთიკის და ქცევის კოდექსი და ანტიკორუფციული პოლიტიკა, რომელიც ეფუძნება გამჭვირვალობის, კეთილსინდისიერების, მიუკერძოებლობის პრინციპებს და მექრთამეობის, თაღლითობის, ტერორიზმის დაფინანსების, ფულის გათეთრების და კორუფციის ნებისმიერი გამოვლინების მიმართ ნულოვან ტოლერანტობას.

„გამყიდველი“ ადასტურებს, რომ მისთვის ცნობილია „მყიდველის“ ვებ-გვერდზე (www.gwp.ge) განთავსებული „მყიდველის“ ეთიკის და ქცევის კოდექსის, ასევე ანტიკორუფციული პოლიტიკის შინაარსი და გავრცელების სფერო. „გამყიდველი“ ეთანხმება აღნიშნულ კოდექსს და პოლიტიკას და ადასტურებს, რომ დაიცავს აღნიშნულ დოკუმენტებში მოცემულ პირობებს და ასევე მიიღებს საჭირო ზომებს და უზრუნველყოფს მისი იმ თანამშრომლების, ქვე-კონტრაქტორების, აგენტების ან მესამე „მხარეების“ მიერ მათ დაცვას, რომლებსაც შესაძლებელია ჰქონდეთ რაიმე სახის სამართლებრივი ურთიერთობა მყიდველთან, ნებისმიერი სამართლებრივი შეთანხმების ფარგლებში, რაც შეიძლება გაფორმებული იყოს „მხარეთა“ შორის და ამგვარი სამართლებრივი ურთიერთობის არსებობის მთელი პერიოდის განმავლობაში.

„გამყიდველი“ ადასტურებს, რომ „ხელშეკრულების“ მოქმედების პერიოდში, ის არ შესთავაზებს, დაპირდება ან პირდაპირ ან შუამავლის მეშვეობით არ გადასცემს ფულს, ღირებულების მქონე ნივთს ან სხვა საჩუქარს ან მისცემს პირობას საჯარო მოხელეს, ხელისუფლებას ან მესამე „მხარეს“, რაც შეიძლება წარმოადგენდეს კორუფციის ან ფულის გათეთრების წინააღმდეგ მიმართული რეგულაციების დარღვევას.

„გამყიდველი“ ადასტურებს, რომ მას, ისევე როგორც ზემოთ აღნიშნულ მასთან დაკავშირებულ პირებს არ აქვთ რაიმე სახის ინტერესთა კონფლიქტი „მყიდველთან“ და იღებს ვალდებულებას, რომ პატივს სცემს ანტიკორუფციულ და ფულის გათეთრების წინააღმდეგ კანონმდებლობას, რომელიც, „ხელშეკრულების“ აღსრულების ადგილის ან „ხელშეკრულების“ „მხარეთა“ რეზიდენტობის გათვალისწინებით, ვრცელდება „მყიდველთან“ სახელშეკრულებო ურთიერთობაზე.

„გამყიდველი“ იღებს ვალდებულებას, რომ იგი და მასთან დაკავშირებული ზემოთ აღნიშნული პირები, ნებისმიერი გარემოებისას, „მყიდველთან“ კომერციული ურთიერთობის ფარგლებში, შეასრულებენ გაეროს გლობალური შეთანხმების 10 პრინციპს (<https://www.unglobalcompact.org/>, რომელთაც შეუერთდა FCC Aqualia S.A („მყიდველის“ არაპირდაპირი მფლობელი კომპანია) და ამასთან, უზრუნველყოფილი იქნება ადამიანის უფლებების საყოველთაო დეკლარაციით განსაზღვრული ადამიანის და შრომის ფუნდამენტური უფლებების, შრომის ფუნდამენტური უფლებების და პრინციპების შესახებ შრომის საერთაშორისო ორგანიზაციის (შსო) დეკლარაციის და შსო კონვენციების დაცვა.

„გამყიდველი“ იძლევა გარანტიას, რომ ის, ასევე, სადაც ეს რელევანტურია, მისი მფლობელები, მენეჯერები და საკვანძო პოზიციაზე მყოფი პირები არ ყოფილან ბრალდებულნი ქრთამის გაცემის ან მიღებისთვის ან სამსახურეობრივი საქმიანობისას რაიმე სახის კორუფციული ქმედებისთვის ბოლო 5 წლის განმავლობაში.

ეთიკის და ქცევის კოდექსსა და ანტიკორუფციულ პოლიტიკასთან ნებისმიერი სახით შეუსაბამობა, ან გარემოების არსებობა, რომელიც წარმოქმნის ინტერესთა კონფლიქტს ან კორუფციასთან დაკავშირებული ნებისმიერი ოფიციალური გამოძიება, ისევე როგორც, რაიმე სახით გაეროს გლობალური შეთანხმების პრინციპებთან ან ადამიანის უფლებების საყოველთაო დეკლარაციასთან ან შსო დეკლარაციასთან შესაბამისობის დარღვევა შესაძლოა გახდეს ხელშეკრულების დაუყოვნებლივ ცალმხრივად შეწყვეტის საფუძველი, „მყიდველისთვის“ რაიმე სახის პასუხისმგებლობის ან ჯარიმების დაკისრების გარეშე და ამასთან, „მყიდველი“ უფლებამოსილია მოითხოვოს ზემოთ აღნიშნული მიზეზით გამოწვეული ზიანის ანაზღაურება.

„გამყიდველი“ „მყიდველის“ სასარგებლოდ ადასტურებს და გარანტიას იძლევა, რომ არც თავად და არც მისი შვილობილი ან/და დაკავშირებული პირები, აქციონერები/პარტნიორები/მესაკუთრეები, ხელმძღვანელობითი ან/და წარმომადგენლობითი უფლებამოსილების მქონე პირები:

ა) არ არიან და არც წარსულში მოხვედრილან უფლებამოსილი ორგანოების მიერ სანქცირებულ პირთა სიაში;
ბ) „ხელშეკრულების“ გაფორმებამდე არ ახორციელებდნენ „აკრძალულ საქმიანობას“ და არ განახორციელებენ „აკრძალულ საქმიანობას“ „ხელშეკრულების“ მოქმედების ვადის განმავლობაში.

„აკრძალული საქმიანობა“ წინამდებარე დანართის მიზნებისთვის არის ნებისმიერი საქმიანობა, რომელიც მათ შორის, მაგრამ არა მხოლოდ მოიცავს საქონლის ან/და ტექნოლოგიის გაყიდვას, მიწოდებას, გადაცემას ან/და ექსპორტს, ტექნიკური, საინვესტიციო, საბროკერო, ფინანსური მომსახურების მიწოდებას და სხვა სახის საქმიანობას, რომელმაც შესაძლოა პირდაპირ ან არაპირდაპირ ხელი შეუწყოს რუსეთის ფედერაციის სამხედრო ან/და ტექნოლოგიურ გაუმჯობესებას, რუსეთის ფედერაციაში არსებული ფიზიკური ან/და იურიდიული პირის, უწყების ან/და ორგანოს თავდაცვის ან/და უშიშროების სექტორის განვითარებას.

„მყიდველი“ „გამყიდველისთვის“ ხელმისაწვდომს ხდის თავის მამხილებელ არხს (whistleblowingline@ggu.ge), რათა შესაძლებელი იყოს ეთიკის და ქცევის კოდექსის და ანტიკორუფციული პოლიტიკის მიზნებთან დაკავშირებული შეტყობინებების წარდგენა.

წინამდებარე დანართით (ეთიკის და ქცევის კოდექსი, ანტიკორუფციული პოლიტიკა, გაეროს გლობალური შეთანხმება) გათვალისწინებული განცხადებების, გარანტიების და ნაკისრი ვალდებულებების შეუსრულებლობის ან არაჯეროვნად შესრულების შემთხვევაში „მყიდველი“ უფლებამოსილია შეწყვიტოს „ხელშეკრულება“ და/ან მოსთხოვოს „გამყიდველს“ მიყენებული ზიანის სრულად ანაზღაურება, მათ შორის „ხელშეკრულების“ ვადამდე შეწყვეტით გამოწვეული ზიანის ანაზღაურება, იქნება ეს პირდაპირი თუ ირიბი, მატერიალური თუ არამატერიალური, ფაქტობრივი თუ მიუღებელი შემოსავალი და/ან სხვა.